

G J A L D S K R Á

Héraðsrafmagnsveitna ríkisins.

I. RAFORKA

Héraðsrafmagnsveitur ríkisins selja raforku á þann hátt og við því verði, sem hér segir, nema á veitusvæðum, sem sérstakar gjaldskrár eru settar fyrir:

A. Lýsing.

11. Um kwst.mæli á kr. 6.40 hverja kwst.
 12. Um kwst.mæli á kr. 3.20 hverja kwst., auk fastagjalds af gólfleti í rúmi því, er lýsa skal.
 Fastagjald reiknast þannig:
 Fyrir búðir, vinnustofur og skrifstofur kr. 17.00 á m² á ári.
 Fyrir ganga, geymslur o. þ. h. — 8.00 á m² á ári.

B. Notkun til heimilisþarfa, búrekstrar o. fl.

21. Um kwst.mæli þannig reiknað:
 a. Grunnjald (mælisleiga o. fl.):
 af einfasa mælingu kr. 17.00 á mán.
 af þrífasa mælingu — 34.00 á mán.
 b. Orkugjald
 af allri notkun — 1.60 á kwst.
 c. Fastagjald
 af hverri heilli gjaldskráreiningu — 17.00 á mán.
 af hálfri gjaldskráreiningu — 8.50 á mán.

Gjaldskráreiningar reiknast sem hér segir:

- (1) Fyrir fjölskylduheimili

ein eining fyrir hvert íbúðarherbergi.

Til íbúðarherbergja teljast öll herbergi, sem ætluð eru sem íveruherbergi, og eldhús, en ekki gangar, baðherbergi eða geymslur. Herbergi, sem er minna en 5 m², telst sem hálf, en stærra en 25 m² sem tvö. Þar sem meðalstærð herbergja í íbúð er undir 10 m² má miða við samantlagt flatarmál þeirra þannig, að hverjir 10 m² jafngildi einu herbergi og hverjir 5 m² hálfu herbergi.

- (2) Fyrir félagsheimili, (skóla, sjúkrahús, gistihús o. þ. h.) ein eining fyrir hverja 20 m² gólfplatar.

Gólfplötur mælist milli útveggja, þó að frátöldum geymslum, sem sjaldan er farið um, og göngum þeim tilheyrandi. Rafmagnsnotkun í gripahúsum og öðrum húsum, sem notuð eru við búskap, er heimilt að selja eftir þessum gjaldskrárlíð. Rafmagnsveitustjóri setur reglur um útreikninga gjaldskráreininga af slíkum húsum og tækjum í þeim.

22. Til gisti- og veitingahúsa, sjúkrahúsa, heimavistarskóla og annarra slíkra staða má selja raforku til suðu og hitunar um sérmæli á kr. 1.60 hverja kwst., enda séu suðu- og hitunartæki fasttengd og öll önnur notkun seld eftir liðum 11 eða 12.

Heimilt er einnig að selja slíkum notendum eftir lið 32.

23. Um orkumæli (aflmarksmæli), sem stilltur er á tiltekið afl, og sýnir annars vegar heildarorkunotkun og hins vegar orkunotkun yfir aflstillingu.

Rafmagnsveitustjóri getur ákveðið aflstillingu þannig:

- a. Lágmarksaflstilling 2500 W, hámark 10000 W.
- b. Lágmarksstilling 500 W að viðbættum 300 W fyrir hverja gjaldskráreiningu, sem ákveðst samkvæmt gjaldskrárlið 21, hámark 10000 W.

Notandi greiði sem hér segir fyrir aflstillingu og orkunotkun:

- a. Aflgjald:

af lágmarksstillingu	kr. 2500 á kw á ári.
af umframstillingu	— 1700 á kw á ári.
- b. Orkugjald:

af allri notkun	— 0.25 á kwst.
af notkun yfir aflstillingu til viðbótar	— 3.50 á kwst.

Leiga á einum mæli er innifalin í aflgjaldinu.

24. Ef um er að ræða meira afl en 10 kw til búreksturs, má selja um afl- og orkumæla (mestaafismæla) þannig reiknað:

- a. Aflgjald:

af notuðu afli	kr. 2000 á kw á ári.
----------------------	----------------------
- b. Orkugjald:

af allri notkun	— 0.25 á kwst.
-----------------------	----------------

Notað afl hvers árs telst vera meðaltal fjögurra álestra, sem fara fram með með sem næst þriggja mánaða millibili. Aflnotkunin mælist sem meðalálág yfir stundarfjórðung. Minnsta aflgjald kr. 20 000 á ári.

C. Vélanotkun.

31. Um kwst.mæli á kr. 3.20 hverja kwst. Lágmarksgjald skal vera kr. 1920 á ári og ekki lægra en sem svarar kr. 760 á ári fyrir hvert kw í málraun véla.
32. Um afl- og orkumæla (mestaafismæla) þannig reiknað:

- a. Aflgjald:

af notuðu afli	kr. 1800 á kw á ári.
----------------------	----------------------
- b. Orkugjald:

af allri notkun	— 0.48 á kwst.
-----------------------	----------------

Notað afl hvers almanaksárs telst vera meðaltal fjögurra hæstu álestra, en álestrar fari fram með sem jöfnustu millibili og eigi skemmra en eins mánaðar. Aflnotkun mælist sem meðalálág yfir stundarfjórðung. Minnsta aflgjald skal vera kr. 3800 á ári. Eftir þessum gjaldskrárlið má selja alla raforkunotkun til atvinnufyrirtækja, sjúkrahúsa, heimavistarskóla og annarra slíkra staða, gegn greiðslu fastagjalda af ljósanotkun o. fl. samkvæmt reglum, sem rafmagnsveitustjóri setur.

33. Raforku til sildar- og fiskimjölsverksmiðja og hliðstæðra nota skal selja þannig:

1. Þegar raforkan er aðallega framleidd í vatnsaflsstöðvum:

- a. Aflgjald:

af notuðu afli	kr. 1800 á kw á ári.
----------------------	----------------------
- b. Orkugjald:

af allri notkun	— 0.48 á kwst.
-----------------------	----------------

2. Þegar raforkan er aðallega framleidd í varmaflsstöðvum:

- a. Aflgjald:

af notuðu afli	kr. 1800 á kw á ári.
----------------------	----------------------
- b. Orkugjald:

af allri notkun	— 0.96 á kwst.
-----------------------	----------------

Notað afl hvers almanaksárs telst vera meðaltal tveggja hæstu álestra, en álestrar fari fram með sem jöfnustu millibili og eigi skemmra en eins mánaðar. Aflnotkunin mælist sem meðalálág yfir stundarfjórðung.

Telja skal sem heilt rekstrarár gagnvart ákvörðun um aflgjald, ef verksmiðja er tengd í 4 mánuði eða meira af almanaksárinu. Sama gildir um aukningu á vélaafli. Minnsta aflgjald á ári skal vera sem svarar hálfu aflgjaldi í fullu vinnsluári og það enda þótt verksmiðjan sé ekki starfrækt. Raforkunotkuninni er hægt að segja upp með minnst 6 mánaða fyrirvara og skal uppsögnin vera skrifleg.

Eftir þessum gjaldskrárlið má selja alla raforkunotkun hjá framangreindum fyrirtækjum gegn greiðslu fastagjalda af ljósanotkun o. fl., samkvæmt reglum, sem rafmagnsveitustjóri setur.

34. Raforku til súgburrkunar og hliðstæðra nota á tímabilinu 1. júní til 1. nóv. má selja gegn fastagjaldi, óháðu notkunartíma, sem nemi kr. 650 á ári, fyrir hvert kw í málraun véla, og auk þess 25 auro á hverja kwst. Kaupandi skuldbindi sig þá til að nota ekki vélarnar utan tímabilsins 1. júní til 1. nóv., nema með leyfi rafmagnsveitustjóra og gegn greiðslu fulls fastagjalds, samkvæmt lið 35, kr. 1440 á hvert kw í málraun véla. Kaupandi skuldbindi sig enn fremur til að takmarka samtímisnotkun sína með tilliti til stærðar spennu og annarra aðstæðna, samkvæmt sérstökum fyrirmælum rafmagnsveitustjóra í hverju tilfalli.
35. Ef ekki eru tók á að mæla notað afl, má selja þannig:

Um kwst.mæli á 48 auro hverja kwst., auk fastagjalds, er nemi kr. 1440 á ári fyrir hvert kw í málraun véla.

Minnsta aflgjald skal vera kr. 3800 á ári.

Framangreint raforkuverð fyrir vélanotkun miðast við að fasviksstuðull álagsins hjá notanda sé eigi lægri en 0.8. Sé hann lægri, geta rafmagnsveiturnar krafizt þess, að hann sé hækkaður upp í það gildi, en þar til það er gert, greiði kaupandi herra verð fyrir raforkuna og fari sú hækking eftir sérstökum ákvæðum þar um.

Rafmagnsveitustjóri getur bannað uppsetningu rafsuðuspenna nema skriflegt leyfi komi til. Hann getur takmarkað notkun rafsuðuspenna við tiltekna tíma sólarhrings. Þá getur hann krafizt þess, að fasviksstuðull rafsuðuspenna sé leiðréttur þannig, að hann verði ekki lægri en 0.8 og auk þess setur hann reglur um aukafastagjöld af rafsuðuspennum.

D. Hitun.

41. Til húshitunar um kwst.mæli á 70 auro hverja kwst., enda megi rjúfa strauminn í allt að 1 klst. á dag á tímum mesta álags rafmagnsveitnanna.
42. Til húshitunar um kwst.mæli á 29 auro hverja kwst., enda megi rjúfa strauminn í allt að 3 klst. á dag á tímum mesta álags rafmagnsveitnanna um hádegi og síðdegis, en þó eigi lengur en 1½ klst. í senn.
43. Til húshitunar um kwst.mæli á 21 eyri hverja kwst. í 9 klst. á tímanum frá kl. 22 til kl. 9.
44. Til hitunar í vatnsgeymum og gufuköttlum um kwst.mæli á 70 auro hverja kwst., enda megi rjúfa strauminn í allt að 3 klst. á dag á tímum mesta álags rafmagnsveitnanna um hádegi og síðdegis, en þó eigi lengur en 1½ klst. í senn. Lágmarksgjald skal vera kr. 1275 á ári.
45. Til hitunar á vatnsgeymum og gufuköttlum um kwst.mæli á 29 auro hverja kwst. í 9 klst. á tímanum frá kl. 22 til kl. 9. Lágmarksgjald skal vera kr. 1275 á ári.
46. Til fasttengdra bökunarofna, vatns- og gufukatla í brauðgerðarhúsum og til annarra hliðstæðra nota, um tvígjaldsmæli á 29 auro hverja kwst. í 10 klst. á sólarhring á tímanum frá kl. 22 til kl. 10 og 85 auro hverja kwst. í 10 klst. á tímanum frá kl. 8 til kl. 24, enda sé straumurinn rofinn í 4 klst. á mestu álagstímum rafmagnsveitnanna, þó eigi lengur en 2 klst. í senn.

Um framangreinda hitagjaldskrárliði gilda eftirfarandi ákvæði:

- a. Minnsta árgjald skal vera sem svarar 1600 klst. notkun á hvert kw uppsetts afls hitunartækja.
- b. Verðið breytist með útsöluverði á disilolíu í Reykjavík, þannig að gjaldskrárverðið teljist jafngilda 1860 króna verði á olíutonni, en hækki eða lækki um 2.4 auro hver kwst. á liðunum 41, 44 og síðari hluta 46 og 1 eyri hver kwst. á liðunum 42, 45 og fyrri hluta 46 og 0.7 eyri hvera kwst. á lið 43, fyrir hverjar fullar 65 krónur, sem olíutonnið hækkar eða lækkar.

Önnur skilyrði fyrir raforkusölu til hitunar.

- a. Að vélaafl, línur og spennar þoli álagið að dómi rafmagnsveitustjóra.
- b. Að notandi setji klukkurofa fyrir hitalögnina og kosti viðhald þeirra. Þó getur rafmagnsveitustjóri ákveðið, að rafmagnsveiturnar leggi til rofa og annist viðhald þeirra og kostar þá notandinn tengingu þeirra og greiðir leigu af þeim, samkvæmt reglum, sem gilda um leigu mælitækja.
- c. Að hitatæki, lagnir og búnaður sé samkvæmt fyrirmælum rafmagnsveitnanna, ofnar og önnur hitatæki fasttengd með sérstökum rofum og hitastillar notaðir, þegar þess er krafizt.
- d. Að hús, sem fá leyfi fyrir rafmagnsupphitun, fullnægi lágmarkskröfum, sem rafmagnsveiturnar setja um einangrun.

E. Önnur raforkunotkun.

51. Til að nota um vinnulagnir við byggingu, meðan á byggingu stendur, um kwst.mæli á kr. 3.20 hverja kwst.
52. Þar sem ástæður leyfa, að dómi rafmagnsveitustjóra, að komið verði upp útlýsingarkerfi, er heimilt að selja rafmagn til útlýsingar á kr. 2.20 hverja kwst., enda hafi uppsetning kerfisins verið kostuð af notanda.

Heimilt er að lækka orkugjaldið niður í 80 auro á kwst. gegn greiðslu fastagjalds samkvæmt reglum, sem rafmagnsveitustjóri setur.

Alla raforkunotkun, sem ótalin er og ekki kemst undir aðra liði þessarar gjaldskrár, skal selja eftir gjaldskrárliði II. Þegar sérstaklega stendur á, er rafmagnsveitustjóra þó heimilt að selja raforku eftir sérstökum samningi í hvert skipti, en eigi lengur en til eins árs í senn.

II. MÆLALEIGA

Rafmagnsveitustjóri ákveður stærð og gerð mælitækja, sem nota skal fyrir hverri veitu, og er ákvörðun hans skuldbindandi fyrir notandann, sem skal greiða leigu af mælitækjum sem hér segir:

1. Af einfasa kwst.mælum 60 A og minni kr. 7.00 á mán.
2. Af þrífasa kwst.mælum 50 A og minni — 15.00 á mán.
3. Af þrífasa kwst.mælum yfir 50 A og til 100 A — 21.00 á mán.
4. Af þrífasa kwst.mælum yfir 100 A (straumspennamælar) .. — 52.00 á mán.
5. Af mestaafismælum 100 A og minni — 45.00 á mán.
6. Af mestaafismælum yfir 100 A (straumspennamælar) — 85.00 á mán.

Af öðrum mælitækjum en þeim, sem nefnd eru, skal ársleigan vera sem næst 20% af verði mælitækjanna. Leigan skal innheimt um leið og gjald fyrir raforku.

III. HEIMTAUGARGJALD

Heimtaugargjald skal greitt samkvæmt sérstökum reglugerðum og gjaldskráum um heimtaugargjöld til héraðsrafmagnsveitna ríkisins.

IV. OPNUNARGJALD

1. Hafi gjald samkvæmt gjaldskrá þessari ekki verið greitt, þannig að beita þurfi reglugerðarákvæðum um lokun fyrir veitu, má taka gjöld fyrir lokunartilkynningu og enduropnun, allt að kr. 300 samtals.
2. Ef fundin eru óleyfileg eða of stór vör við skoðun, skal veitunni lokað tafarlaust, og verður hún ekki enduropnuð fyrir en notandinn hefur greitt umboðsmanni héraðsrafmagnsveitna ríkisins 200 kr. gjald. Gjaldið skal greitt á aðsetursstað umboðsmannsins.

Gjaldskrá þessi er staðfest af atvinnuáráðuneytinu 1. ágúst 1966 með gildistöku 1. ágúst 1966.

Atvinnuáráðuneytið, 1. ágúst 1966.

Ingólfur Jónsson.

Þorv. K. Þorsteinsson.

15. ágúst 1966.

Nr. 182.

AUGLÝSING

um umferð í Garðahreppi í Gullbringusýslu.

Eftir tillögum hreppsnefndar Garðahrepps í Gullbringusýslu og samkvæmt heimild í 65. gr. umferðarlaga nr. 26/1958 hefur verið ákveðið að Vífilsstaðavegur frá heilsuhælinu á Vífilsstöðum að Hafnarfjarðarvegi, skuli vera aðalbraut og hafi umferð um veginn forgangsrétt um alla umferð aðliggjandi gatna.

Þetta tilkynnist öllum, sem hlut eiga að máli.

Sýslumaðurinn í Gullbringu- og Kjósarsýslu, 15. ágúst 1966.

Einar Ingimundarson.

24. ágúst 1966.

Nr. 183.

AUGLÝSING

um umferð í Seltjarnarneshreppi.

Að fengnum tillögum hreppsnefndar Seltjarnarneshrepps í Kjósarsýslu, hafa verið settar eftirfarandi reglur um umferð samkv. heimild í 65. gr. umferðarlaga nr. 26/1958.

- I. Tvistefnuakstur hefur verið ákveðinn **Skerjabraut**.
- II. Umferð úr Skerjabraut á **Lambastaðaveg**, hefur verið bönnuð.
- III. Umferð um Skerjabraut hefur forgangsrétt fyrir umferð af Lambastaðavegi.
- IV. Bifreiðastöður eru bannaðar á **Skólabraut**, sunnan og vestan megin götunnar, og énnig er algerlega bannað að leggja bifreiðum vestan megin á **Melabraut** á þeim hluta götunnar, sem einstefnuakstur er um.

Sýslumaðurinn í Gullbringu- og Kjósarsýslu, 24. ágúst 1966.

Einar Ingimundarson.